



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ad Leonem X. Pontificem Maximvm

[Straßburg], 1519

VD16 L 3409

Conclusio XLIII.

urn:nbn:de:hbz:466:1-34717

DVLGENTIARVM AD LEONEM X. P. M.
do præcipitur, Cum illic sit meritum, hic nullum.

Hic obijcitur.

At ueniæ redimuntur per pium opus, puto contributionem ad fabricam, uel captiuorum redemptionem, ergo sunt meritoria. Respondeo, Non loquor de opere, sed de uenijs, nam opus illud poterat fieri sine uenijs, non enim alligatur necessario uenijs. Veniæ autem sine opere concessæ nihil conferunt, sed tantummodo auferunt. Opus autem sine uenijs confert, quia illic nostra recipimus, hic damus. Et ideo illic carni, hic seruitur spiritui. Et breuiter illic naturæ, hic satisfit gratiæ. Quare ueniæ seorsum sumptæ sunt incomparabiles ad opus misericordiæ.

Item opus sine uenijs purius est, quæ cum uenijs, & ueniæ sunt operis aliquod uitiū, quia recipit mercedem suā, immo plus quæ mercedem suā. Sanctius itaque agerent, si nude contribuerent, & non propter uenias. Non quod ueniæ sint malæ & noxiæ, sed quod abusus peruersus nocet, dum tale opus non facerent, nisi ueniæ essent, ac sic finis opis huiusmodi fit ueniæ, imo ipse homo, qui querit quæ sua sunt, cum deberet opus propter deum & gratis facere, & uenias non aliter acceptare, quæ gratis, sibi non propter contributionem datas, ut sic illi uenias non emant, nec isti uendant, oportet enim utrobique esse gratuitam donationem, uel erit manifesta simonia, & uenditio turpissima. Sed quis hæc populo dicit, quando dicitur, Impone gratis, & ego concedo gratis.

Item, Timendum ne per illam ordinis peruersitatem magna in ecclesia alatur idololatria. Quia si populus doceatur propter poenarum euasione contribuere (quod spero non fiat, & si multi forte sic intelligent) tunc clarum est, quod non propter deum contribuunt, & erit timor poenarum, seu poena idolorum eorum, cui sic sacrificant. Quod si ita fieret, tale aliquod malum ageretur in ecclesia, quale olim in Romanis gentilibus agebatur, quoniam Febri & alijs læuis & noxijs numinibus seruebatur ne læderentur. Ideo hic uigilandum pro populo, & tam dubia, atque periculosa negotia uix doctissimis committenda.

CONCLUSIO XLIII.

Docendi sunt Christiani, quod dans pauperi, aut mutans egenti, melius facit, quam si uenias redimeret.

HANC sic pono propter rudes, nam satis ex prædictis patuit.

H ij

M. L. RESOLUTIONES DE VIRTUTE IN

hanc autem conclusionem cū duabus præcedentibus & sequentibus, nō ego primus aut solus, sed omnes & tota ecclesia tenet, nisi quod solus populus hæc nunquam audit, forte rimetur, ne nimis cito intelligeret, tam apertam & solitam ueritatem, nam & S. Bonauentur. & cæteri omnes, quādo in hac materia agentes sibi ipsi opponerent, ergo omittenda sunt reliqua bona opera. Respondent unanimiter, nequaquā. Quia cætera bona opera sunt meliora, quo ad præmium essentialē obtinendum. Pater ergo conclusio, cū hoc illi dicant, qui tamen afferunt indulgentias esse thesaurum meritorum Christi & ecclesiæ.

CONCLUSIO XLIII.

Quia pro opus charitatis, crescit charitas, & fit homo melior sed pro uenias nō fit melior, sed tantūmodo a pœna liberior;

PATET, Quia solum remissio pœnarū ibi datur, nec indulgentiæ plus ualent, ut etiam omnes concedunt, quā ut tollant pœnas. At ablatio pœnæ non facit bonū, siue meliorē in charitate.

CONCLUSIO XLV.

Docendi sunt Christiani, quod qui uidet egenum, & neglecto eo dat pro uenijs, non indulgentias papæ, sed indignationem dei sibi uendicat.

QUIA peruertit ordinē suprapositū, & contra id agit Ioan. Si quis uiderit fratrem suum necessitatem habere, & clauerit uiscera sua ab eo, quō manet in eo charitas dei? Hanc autē necessitatē nostri sophistæ interpretantur extremā, scilicet, ut charitati nunquā uel rarissime locū faciant operandi, cum tamen ipsi, si in necessitate essent non extrema, sed prima, uellent sese iuuari, alios uero uolunt iuuare, cum iam exhalarint spiritū, Optimi sane theologi & Christiani, qui faciāt hoc hominibus, quod sibi uellent fieri.

CONCLUSIO XLVI.

Docendi sunt Christiani, quod redemptio ueniarum est libera, non præcepta.

SATIS id supra dixi, quod ueniæ sunt de numero eorum, quæ licent, non autem eorum quæ expediunt, quomodo in uete. lege libellus repudiij, sacrificium Zelotypiæ. Et in noua. lege licet & iudicia propter infirmos, immo propter duritiā uestram,